

جريدة محاکم

جمعه ایرتسی

نومرو	جاذی الاخر	سنه	کانون ثانی	سنه	صحیفه
۶۳۴	۲۳	۱۳۰۹	۱۱	۱۳۰۷	۹۲۶۱

(اشبو غزته بهر هفته جمعه ایرتسی کونلری چقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجر قی ضم اولنور . بهر)
 (نسخه سی بنه مجیدیه یکر می غروش اولق اوزره یوز باره یه هر یرده صاتیلور . درج اولنه حق)
 (اعلاناتک هر برندن بر مجیدیه اخذ اولنور . سنه لکنه مشتری اولق استیانلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت رسمی

توجیهات

(رتبه)

در سعادت بدایت محکمه سی مستنطق اعضائی
 محکمه مرقومه اعضا سندن عزتو فیضی بکه
 محکمه مذ کوره اعضائی محکمه تمیز باش
 مدعی عمومیلکی معاونلرندن حلمی بکه

محکمه تمیز باش مدعی عمومی معاونلکی
 مذ کور مدعی عمومیلک قلمی باش میزی مکتب
 حقوق شاهانه مأذونلرندن ابراهیم بکه

محکمه تمیز اعضائی محکمه استیناف حقوق
 قسمی رئیس فضلنلو مجدی افندی به

محکمه استیناف حقوق قسمی ریاستی محکمه
 مذ کوره اعضا سندن فضلنلو نشئت بکه

محکمه استیناف اعضائی محکمه تجارت
 ایکنجی مجلس اعضا سندن فضلنلو طاهر افندی به

محكمة تجارت ايكنجى مجلس اعضائى بيروت
ولايتى استيناف محكمهسى جزا دائرهسى رئيسى
عن تلو كمال بكة تفويض بيورلشدر .

معمورة العزيز بدایت محكمهسى باش كتابته
ملاطيه سنجانى بدایت محكمهسى باش كتابتى
احمد افندى

ملاطيه بدایت محكمهسى باش كتابته
معمورة العزيز بدایت محكمهسى باش كتابتى حمدى
افندى تعيين اولنمشلدر .

قسم غير رسمى

بغداد ولايتى استيناف محكمهسى جزا دائره سنك
۱۲ صفر سنه ۳۰۸ و ۱۵ ايلول سنه ۳۰۶ تاريخ
واون نومرولى اعلاميله اوراق متفرعهسى باش

مدعى عمومىك مأموريت عليه سندن ۲۹ جمادى
الآخر سنه ۲۰۸ و ۲۸ كانون ثانى سنه ۳۰۶ تاريخ
واوچ بيك اللى اوچ نومرولى تبليغنامه ايله محكمه
تميز جزا دائره سنه كوندردليكندن مطالعه اولندى .

اعلام مذ كورك مالى اوچيوز بر سنهسى
ربيع الاولك اون يدنجى صالى كوفى ناصر يده
واقع قالح پاشا بانجهسى ارقه سنده قتيلاً نغشى بولنان
طوبجى الاينى ملازملردن جاسم اغا ابن كاظمك
قاتلى اولمق جنايتله اتهام اولنان بش كشينك اجراى
محاكمه لرى استدعا دائره سنك ۷ ايلول سنه ۳۰۵
تاريخلى اعلاميله منتفك بدایت محكمه سندن بغداد
ولايتى استيناف محكمه سنه نقل ايدلمش اولديغندن
اولباده جريان ايدن محاكمه ده مرقوملردن
محمود و داود و سلوم و عباسك براتلرينه و سلمانيه نك
قلعه جو نام محلى اهايسندن اوتوز برياشنده سعيد
بن احمدك من غير تعمد قتل مذ كوره جراى
اصولاً ثابت اولديغندن مجرميته و قانون جزانك
يوز يتمش دردنجى ماده سنه توفيقاً و تاريخ توقيفى
اولان اوچيوز بر سنهسى ربيع الاولك اون يدنجى
كونندن اعتباراً بعد التشهير اون بش سنه مدته
كوركه قونلمسنة و مصارف محاكمه نك تحصيله قرار

ويرلديكنى حاوى اولوب تبليغنامه ده دخى اعلام
مذ كورك تصديق طلب اولنمشدر .
مطالعه اولندى .

اوراق سائر ده دخى قرائتله جنابت حكمنك
تدقيقات تميزيهسى اجرا اولندقه مرقوم سعيد
حقنده جريان ايدن تحقيقات و محاكمه اصول
محاكمات جزائيه قانونيه موافق و لاحق اولان
حكم دخى جزا قانوننامه هايوننه مطابق اولمغه
اعلام مذ كورك بوجهتلك تصديقه و يوزغروش
تميز اعلامى خرجنك بالتحصيل محكمه تميزه لزوم
ارسالنه فى ۱۰ تشرين اول سنه ۳۰۷ تاريخندنه
قرار ويرلدى .

فى ۱۵ جمادى الاول سنه ۳۰۹
وفى ۵ كانون اول سنه ۳۰۷

مذ كور اعلام مالى زعفرانبولى قضاسنه تابع
يورك قريهسى اهايسندن قره يدور اوغلى صالحك
ليلاً خانهسى ديوارندن آشورق پنجره سنى قيروب
دروننه دخول ايله اشيا سنى سرقت ايلمك فعلندن
طولاي جنايتله اتهام اولنان قريه مزبورلى قره
چاقر اوغلى يكرمى ياشنده اسماعيلك محكوميته
دائر مقدما ويريلان اعلام اسباب قانونيه مبنى
نقض ايله اعاده قلمسى اوزرينه اخيراً اجرا قلنان
محاكمه سنده بوجه محرر فعل سرقة اجتناسارى
ثابت اولديغندن مجرميته و قانون جزانك ايكوز
يكرمنجى ماده سنه توفيقاً و تاريخ توقيفى اولان
اوچيوز التى سنهسى شعبانك يكرمى طقوزنجى
كونندن اعتباراً بعد التشهير اوچ سنه مدته
كوركه قونلمسنة و مصارف محاكمه نك تحصيل
ايدلمسنة حكم اولندينى حاوى اولوب تبليغنامه ده
دخى اعلام مذ كورك تصديق طلب اولنمشدر .
سائر اوراق دعوى دخى قرائتله تدقيقات تميزيه
اجرا اولندقه خصوص مذ كورك اخيراً جريان
ايدن تحقيقات و محاكمهسى اصول محاكمات جزائيه

قانونه موافق و مرقوم اسماعیل حقنه لاحق
اولان حکم دخی جزا قانوننامه هاپونه مطابق
کورلمکله اعلام اخیر مذکورک تصدیقه و اعلام
خرجی اولان یوز غروشک تحصیلیه حکمه
تمیزه ارسالی لزومه ۲۷ تشرین ثانی سنه ۳۰۷
تاریخنده قرار ویرلدی.

فی غره جمادی الاخر سنه ۳۰۱
و ۲۱ کانون اول سنه ۳۰۷

مرعش سنجاغی بدایت محکمه سی جزا
دائرة سنک ۹ جمادی الاخر سنه ۳۰۷ و ۱۸
کانون ثانی سنه ۳۰۵ تاریخ و درتوز الی سکر
نومرولی اعلامیه اوراق متفرعه سی باش مدعی
عمومیلک مأموریت علیه سندن ۱۰ ذی القعدة
سنه ۳۰۹ تاریخ والتیوز یکر می یدی نومرولی
تبلیغنامه ایله محکمه تمیز جزا دائرة سنه کوندرله
یکندن مطالعه اولندی.

مذکور اعلام مالی مرعش قصبه سنده کانون
رشیات محله لی مکاره جی چاریق اوغلی ارتینک
انهای راهده اشیای غصب و ژاندارمه لره سلاح
انداخت اولنمسندن طولای جنایتله اتهام اولنان
اشخاصدن طاش اولوق قریه لی یکر می بش یاشنده
باغلی بدوس قره بتک افعال مذکوره یه و دکرمان
دره قریه لی شر علینک اوغلی یکر می یدی یاشنده
ابراهیمک یالکز جرحه جرأتلری ثابت اولدیغندن
مجرمیتلرینه و قره بتک قانون جزانک التمش
ایکنجی ماده سی ذیلنه تطبیقاً و تاریخ توقیفی اولان
اوچوز بش سنه سی ربیع الاولنک بشنجی کونندن
اعتبار آدرت سنه مدته کورکه قونلمسنه و ابراهیمک
یوز اون بشنجی و یوز یتش سکرنجی ماده لرینه
تطبیقاً و ماه مزبورک اون اوچنجی کونندن
ابتداءً اوچ سنه حبسنه و مصطفی و محمدک براتلرینه
حکم اولندیغنی حاوی اولوب تبلیغنامه ده دخی
اعتراضه محل کوریه مدیکی بیان اولنمشدر.

اوراق سائر دخی قرائتله حکم جنائیدن
طولای تدقیقات تمیزیه اجرا اولندقد مرقوم
بدوس قره بت حقننده جریان ایدن تحقیقات
و محاکمه ایله لاحق اولان حکم اصول محاکمت
جزائییه و جزا قانونلرینه موافق و مطابق کورلمکله

مذکور اعلامک بوجهتک تصدیقه و یوز غروش
تمیز اعلامی خرجنک تحصیلیه محکمه تمیزه لزوم
ارسالنه ۹ تشرین ثانی سنه ۳۰۷ تاریخنده
قرار ویرلدی.

فی ۱۷ جمادی الاول سنه ۳۰۹
و فی ۷ کانون اول سنه ۳۰۷

ماردین سنجاغی بدایت محکمه سی جزا
دائرة سنک ۶ جمادی الاخر سنه ۳۰۶ و ۲۶
کانون ثانی سنه ۳۰۴ تاریخ و یوز التمش بش
نومرولی اعلامیه اوراق متفرعه سی باش مدعی
عمومیلک مأموریت علیه سنک ۱۹ ذی القعدة
سنه ۳۰۸ و ۱۳ حزیران سنه ۳۰۷ تاریخ
ویدیوز یتش ایکی نومرولی تبلیغنامه ایله محکمه
تمیز جزا دائرة سنه ویرلدیکندن مطالعه اولندی.

اعلام مذکورک مالی ماردین سنجاغنه تابع
قباله قریه لی عبداللهک قتلندن و محمد بن مسطفانک
جرخنندن طولای جنایتله اتهام اولنان اوچ

کشینک اجرا قلنان محاکمه علنیله رنده بونلردن
ماردینلی محمد سعید بن داود الفیلک قانون جزانک
یوز یتش دردنجی ماده سنه تطبیقاً بعد التمشیه
اون بش سنه و فراری محمد علی و محمد البربوعه نک
جارج اولوق حسسیله قانون مذکورک یوز یتش
سکرنجی ماده سنه توفیقاً دردر ماه حبسلرینه قرار
ویرله رک تفهیم قلندیغنی حاویدر.

تبلیغنامه ده دخی دلائل و امارات سائر
انضمام ایتکسزین یالکز مقتولک افاده سی مدار
حکم اوله میه جفندن و مع مافیه مرقومک مضبوط
افاده سی متهم سعید قولی و دیگر فراری محمد علی
قولانک حوال طرفی جرح ایلدکرنی سویلش
اولدیغه دائر اولسنه و طیب راپورتی ایسه
مرقومک قولانک یانسنده بولنان جریحه سنک
تأثیراتندن وفات ایتدیکنی متضمن بولنمسنه
کوره قتل انتاج ایدر جریحه نک فاعلی دیگر
اولوق لازم کله جکندن بورلری دریش مطالعه
ایله تدقیقاتک تعمیق مقتضی ایکن نقصان و صورت
مسروده وجهله حکم واقعه دخی اصابت
کوریه مامش اولدیغندن بحثله اعلام مذکورک
نقضی طلب اولنمشدر سائر اوراق دعوی دخی قرائتله
حکم جنائی و وجاهیدن طولای تدقیقات تمیزیه

ابتدار اولندقدہ مأموریت مشار الیہانک تبلیغنا -
مہسندہ مندرج اعتراضات بجا و نقض حکمی
موجب اسباب قانونیہ دن بولنمغلہ اصول محاکات
جزائیہ قانوننک اوچیوز اون دردنجی مادہ سی
موجبہ ذکر اولنان اعلامک بوجھتک نقضہ
واعلام خرجی اولان ایکی یوز غروشک
بالتحصیل محکمہ تمیزہ لزوم ارسالہ ۱۱ تشرین
ثانی سنہ ۳۰۷ تاریخندہ قرار ویرلدی.

فی ۱۲ جمادی الآخر سنہ ۳۰۹
وفی ۱ کانون ثانی سنہ ۳۰۷

دکری بدایت محکمہ سندن ویریلوب متفرعاتیلہ
باش مدعی عمومیک مأموریت علیہ سندن ۱۹
صفر سنہ ۳۰۹ و ۱۱ ایلول سنہ ۳۰۷ تاریخ
وایکیک درتیوز یکرمی بر نومرولی تبلیغنامہ
ایلہ تمیز جزا دائرہ سنہ کوندریلان ۳ شعبان سنہ
۳۰۸ و ۱ مارت سنہ ۳۰۷ یاریخی اعلام قرائت
اولندی.

مقاد اعلام عمر چاوشک قتلندنطولای اتہام
اولنانلردن حاجی بکر اوغلی علینک قاتل غیر
متعمد صفتیلہ اونیش وحسین بک اوغلی علی
وجوب علی وعباسک معین عدیلہ اوچر سنہ
مدتئلہ کورک قونلمارینہ وماعداسنک برائترینہ
قرار ویرلدیکنی شاملدر.

تبلیغنامہ حاجی بکر اوغلی علینک زمان
وقعہ تعیین مکانہ دائر اولان مدافعہ سی مسکوت
عنہ براغلدینی کبی کیفیت قتلك صورت وقوعی
وجرمک نوعی تصریح قلمامش اولمسیلہ لایحہ
تمیزینک بوجھتلرہ متعلق اولان مندرجاتنک
بجا ومعین قاتل دینلانلرک صورت معاونتلرینک
تصریح ایدلامسی دخی یولسز اولدینی محرردر.

اوراق دعوی دخی قرائتلہ تدقیقات
تمیزیلہ لدی الاجرامذکور تبلیغنامہ بیان اولنان
احوال بجا کورلکله اصول محاکات جزائیہ
قانوننک اوچیوز اون دردنجی مادہ سنہ تطبیقاً
اعلام مذکورک حکم جنائی جھتک نقضہ وایکی
یوز غروش اعلام خرچنک بالاستیقا محکمہ تمیزہ

لزوم ارسالہ ۲۴ کانون اول سنہ ۳۰۷ تاریخندہ
قرار ویرلدی.

فی ۱۵ جمادی الآخر سنہ ۳۰۹
وفی ۴ کانون ثانی سنہ ۳۰۷

ماردین سنجائی بدایت محکمہ سی جزا
دائرہ سنک ۲ رجب سنہ ۳۰۶ و ۱۹ شباط سنہ
۳۰۴ تاریخ و یوز یتیش سکر نومرولی اعلامیلہ
اوراق متفرعہ سی باش مدعی عمومیک مأموریت
علنیہ سندن ۷ جمادی الآخر سنہ ۳۰۷ و ۲ کانون
ثانی سنہ ۳۰۶ تاریخ وایکیک یدیوز سکر
نومرولی تبلیغنامہ ایلہ محکمہ تمیز جزا دائرہ سنہ
کوندردلیکندن مطالعہ اولندی.

اعلام مذکورک مالی کوللی قریہ سی اہالیسندن
سیدی بنت نومانک کیفیت قتلندن طولای جنایتلہ
اتہام اولنان ایلو بن عبد الہیک قانون جزانک
یوز یتیش دردنجی مادہ سنہ توفیقاً اون بش سنہ

مدتلہ کورک قونلمسنہ حکم اولنہ رق تفہیم
قلندینی حاوی اولوب تبلیغنامہ دخی متہم
مرقومک وکیلی طرفدن کرک شہود مستمہ دن
بعضیلرینک ذات وشہادتلری علیہندہ وکرک
جہات سائرہ حقندہ عند الحاکمہ سرد اولنان
مدافعات اوزرینہ تعمیق تدقیقات ایدلمکسزین
بونلرک ردی طرفہ کیدلسی وسبب قتل حقندہ
لایقلہ تدقیقات اجرا اولنماسی اصول محاکمہ جہ
نواقصدن اولدینی کبی متہم مرقوم شو محاکمہ
وجاہیدہ یکرمی یاشندہ اولدینی سویلمش
وفعل قتل ایسہ اندن یدی سکر سنہ مقدم واقع
اولمش اولدینی وجین وقعہدہ مرقومک سنی
اون بشی اکیال ایتماش ایسہ کندوسنہ مراحق
معاملہ قانونیہ سنک اجراسی لازمہ دن بولندی
حالدہ بوجھتک دخی نظر دقتہ النمامش اولمی
مغایر قانون بولندیغندن بختلہ اعلام مذکورک
نقضی طلب اولنمشدر اوراق سائرہ دخی قرائتلہ
تدقیقات تمیزہ اجرا اولندقدہ مأموریت مشار
الیہانک تبلیغنامہ سندن مندرج اعتراضات بجا و نقض
حکمی موجب اسباب قانونیہ دن بولندیغندن
اصول محاکات جزائیہ قانوننک اوچیوز اون
دردنجی مادہ سنہ توفیقاً اعلام مذکورک نقضہ
وایکی یوز غروش اعلام خرچنک اخذ واستیفا سیلہ

محكمة تميزه لزوم ارساله ۲۸ ايلول سنه ۳۰۸
تاريخه قرار ويرلدى.

فى ۱۳ جمادى الاخر سنه ۳۰۹
وفى ۲ كانون ثانى سنه ۳۰۷

(طقسان طقوز سنه سى تموزينك اون التيجى)
(كوفى دولتو ابراهيم پاشا حضرتلرينك)
(متصرف اولدينى پاشا مانديره سى نام چفتلكده)
(قوريچى بارلى مصطفىاى تفنك قورشونيله)
(جرح وقتل ايتمسندن طولاي متهم اولوب)
(فرارده بولمسندن ناشى محاكمه غيايه سى)
(بالا جرا اون بش سنه مدته كوركه قونلمسنة)
(محكمة جنايتدن حكم اولنان وبودفعه بارطين)
(قضاسنده طوتيله محكمه جنايت توقيفخانه)
(تسليم ايدليكي اشعار قلنان بارلى قوريچى)
(عليك محاكمه عليه سى ضبطنامه صورتيدور)

طقسان طقوز سنه سى تموزينك اون التيجى
دولتو ابراهيم پاشا حضرتلرينك متصرف اولدينى

پاشا مانديره سى نام چفتلكده قوريچى مصطفىاى
تفنك قورشونيله جرح وقتل ايتمسندن طولاي
متهم اولوب فرارده بولمسندن ناشى محاكمه
غيايه سى بالا جرا اون بش سنه مدته كوركه
قونلمسنة محكمه جنايتدن حكم اولنان وبودفعه
بارطين قضاسنده طوتيله رق محكمه جنايت
توقيفخانه سى تسليم ايدليكي اشعار قلنان قوريچى
عليه هيئت اتهاميه دن تنظيم قلمش اولان ۳
تشرين ثانى سنه ۹۹ تاريخلى و ۲۷۶ نومرولى
مضبطة ايله استيناف مدعى عمومى كنىك ۱۲
تشرين ثانى سنه ۹۹ تاريخلى و ۹۰۷ نومرولى
اتهامنامه سى صورتلرى بعد التبليغ مرقوم قوريچى
على اصول محاكمات جزائيه قانونك ايكوز قرق
سكرنجى و ايكوز قرق طقوزنجى ماده لرينه توفيقاً
اوچيوز اتى سنه سى حزينانك اون سكرنجى
بازار ايرتسى كوفى توقيفخانه دن جلب ايله
استجواب ومدافعه سنده معاونت ايتك اوزره
بروكيل انتخاب ايلمى تكليف اولندقده وكيل
اولدينى سويلمكله محكمه نرذنده بولنان دعوى
وكيللرندن سلامى افندى جانب محكمه دن مرقومه
وكيل تعيين وقانون مزبورك ادعاى مفسوخيت
حقنده اولان ايكوز اتى برنجى ماده سى مندرجاتى
اخطار قلنديغى مبن طوتيلان ضبط ورقه سى

واتهامنامه مفاديدخى مضبطة مذ كورك مندرجاتى
وجهله مرقومك جنايتله متهم بولنديغى بيان
وايضاحدن عبارتدر .

قانون مزبورك ايكوز التمش التيجى ماده سى
توفيقاً اتهامنامه مالى متهم مرقومه تفهيم ومعاون
موى اليه طرفندن دخى اسباب اتهامى تفصيل وتشریح
اولندقدن صكره مرقوم على سويلنديركده
كندوسنك مصطفىانك جرح وقتلندن خبر
ومعلوماتى اولدينى كى بورادن دخى فرارايتيوب
كندوسنه اسناد ايديلان قتلك وقوعندن مقدم
اناطوليدى اتى لبرا معاش بولدينى جهته رمضانك
اون اوچ ويا اون دردنجى كوفى قوريچىلك
ايتديكى ابراهيم پاشانك چفتلكنى ترك ايله بارطينه
كتمش اولدينى ولدى السؤال كيدر ايكن چفتلك
مذكوره اولان حسابنى قطع ايتكه وقت بوله .

مديغى باليان مصرأ انكار تهمت ايتمكله اساس
ژورناليه معاينه راپورتى لى القرائه ژورنالك
مالى چفتلك مذ كور قوريچيلرندن بارلى مصطفى
مسافرى بولنان عمر ايله بوزاخانه قريه سى كتمك
اوزره ايروا دره سندن چفتلك اضدانله راكب
اوله رق كيدر ايكن مذ كور چفتلكك ديكر
قوريچى سى اولوب دره نك قارشوسندن قريه

تحت امضايه الديردى ادعاى مفسوخيت ايجون
معين اولان مدت قانونيه منقضيه اولغله مرقومك
اجراى محاكمه سى سنه مذ كوره تموزينك ايكنجى
بازار ايرتسى كونه قرار لشديردى .

يوم مذ كورده متهم توقيفخانه دن كتورديلهرك
وكيل سلامى افندى ياننده اولدينى ومدعى عمومى
معاونلرندن حق بك دخى حاضر بولدينى حالده
محاكمه عليه بالابتدار مرقوم استجواب
اولندقده بارلى و تيمش ياشنده اولوب رنجبر
اصنافندن بولنديغى سويلمكله كندوسنه ووكيل
مومراليه قانون مزبورك ايكوز التمش دردنجى
وايكوز التمش بشنجى ماده لرى مندرجاتى بعد
الاخطار اتهام مضبطة سيله اتهامنامه ضبط كاتى
شوكت افندى يه قرائت ايتديردى .

مذكور مضبطة نك مالى مظنون عليه بارلى
غلينك قوريچى مصطفىاى بالتهمور تفنك قورشونيله
جرح وقتل ايدليكي اوراق تحقيقيه ده موجود
اولان اخبار ودلائل وامارات ايله تحقق ايتمش
وحرکت واقعه سيدخى قانون جزانك يوز تيمش
دردنجى ماده سى فقره اوليسنه موافق بولمش
اولدينى غياياً جنايتله اتهامه قرار ويرلديكى

من بوره به کتمکده اولان بارلی علی به صنداله
کلنسی مرقوم مصطفی تکلیف ایتیش و انک
اوزرینه مرقوم علی دخی مصطفایه سب و شتم
ایلمش اولدیغندن هر ایکسی دخی سلاحه طور انوب
انجق بولردن مصطفی رفیقی عمرک مماتنه مبنی
سلاخی یرینه قویدیغی حالدده مرقوم علینک چفته
تفنکنی اتش ایدرک مصطفای جرح و قتل ایله
فرار ایلدیکنی و راپورتک مفایدیغی مقتول مرقوم
مصطفانک صول طرف ارقه کورکیله قولتوق
طرفدن و یقین بر محلدن اتیلان قورشون ایله
جرح ایدیه رک مرمنک صول ممسی اوزرندن
چقدیغی میندر مدعی عمومی طرفدن و یریلان
شهود پوصله سنده اسمی محرر اولوب دعوت
واقعه اوزرینه کلش اولان بارلی عمر بعد التحلیف
مواجهه استماع اولندقدده وقعه کونی ساعت اون
راده لرنده قوریجی مصطفی ایله بوزاخانه قریبه سنده
افطار ایتک اوزره ابروا دره سنندن چفتلکک
صندالنه راکب اولوب کتمکده لر ایکن دره
کنارنده اوطور مقده بولنان متهم علی به صندالنه
کلنسی مصطفانک تکلیف ایتیش اوزرینه مرقوم
علی مصطفایه سب و شتم ایدرک ایدرک مصطفی
دخی مرقومه مقابله ده بولنه رق یکدیگرینه تشهر
سلاح ایتلریله کندوسنک هر ایکسینه وقوعبولان

افندی قوریجی مصطفانک موکلی علی طرفندن
اورلیدیغی یالکز عمرک قول مجردندن عبارت اولوب
بونکله ده حکم جائز اوله میه جغنی و خصوصیه
ابتدا تشهر سلاح ایدن مصطفی اولوب موکلیده
بالجیوریه سلاح ایتیش بولنه جغندن اولسه اولسه
موکلنک فعل و حرکتی مدافعه و یا مقابله درجه سنده
قاله جغنی بالیان برات ذمتنه قرار و یرلمسنی طلب
ایتملریله ولدی السؤال طرفینک بشقه بر دبه جککری
اولمیدیغی اکلاشامغله محاکمه نك ختام بولیدیغی بیان
اولنه رق مذاکره اوطه سنه کلندی .

طرفینک ادعا و مدافعاتنک استماعندن و اوراق
تحقیقه نك مطالعه و تدقیقندن صکره ایجاب کیفیت
لدی المذاکره متهم قوریجی علی هر نقدر انکار
تهمت ایتیکده و وکیل مومی الیهس دخی بروجه
محرر مدافعه ایلمکده ایسه لرده متهم مرقوم
ابروا دره سننده صندال ایله کتمکده اولان بارلی
قوریجی مصطفی ایله بیلرندده سیق ایدن مشامته
اوزرینه بالتهور چفته تفنک قورشونیه جرح
و قتل ایتدیکنی شاهد عمرک مع القسم خبر و یرمسنه
و مرقومک عقیب وقعه ده فرار ایدوب بودفعه
بارطینده در دست اولمیدیغی مثالو مرقومک خدمت
ایتدیکی چفتلکدن حسابنی قطع ایتمکسزین بارطینه

کتمش اولدیغنی افاده ایتیشی فعل قتلک مرقوم
طرفندن ایقاع اولندیغنه دلالت ایدر احوالده
بولنمسنه و مرقوم مصطفانک صول طرف ارقه
کورکیله قولتوق طرفندن دخول ایدن قورشونک
صول ممسی اوزرندن خروج ایتدیکنک باراپورت
بیلدیلمسنه و مدافعاتنه کلنجه شاهد عمرک اخباری
قول مجردندن عبارت اولوب متهم قوریجی
علینک عقیب وقعه ده فرار ایله بردها اوجوارده
کورنماسی و طیب راپورتی و اساس ژورنالی
مندجانی ایله مؤید بولنمسنه و کرجه مصطفی ایله
متهم علی بیلندده تکیون ایدن سب و شتم اوزرینه
هر ایکسیندخی بر آنده سلاحه طور انمش ایسه لرده
بولردن مصطفانک وقوعبولان رجا اوزرینه بن
برشی یا پیام دیه رک سلاخی صندالک ایچنه
براقیدیغی و متهم علینک استناد ایده جکی مقابله
و مدافعه مجبوری شوصورتله زائل اولیدیغی حالدده
مرقومک تفنکنی انداخت ایدرک مصطفای
جرح و قتل ایتدیکی روش و قوعات و اخبار ایله
اکلاشامسنه و متهم علینک علیه سنده حاصل اولان
احوالی رد و تکذیب ایدر صورتده اسباب معقوله
در میان ایده مامسنه مبنی مرقومک انکاری واهی
و وکیل مومی الیهک مدافعات واقعه سی اسباب
مبسوطه ایله مردود اولوب بناء علیه متهم قوریجی

عليك بالتهور بارلى قوريجى مصطفىاى تفنك
قورشوييله جرح وقتل ايديكى تحق ايلمكله
مجرميتنه متفقاً قرار ويريلوب اولباده تنظيم
اولنان قرار نامه علناً قرائت اولندوقده معاون
مومى اليه حق بك مجرميتى تحت حكمه انسان
قوريجى بارلى عليك قانون جزانك يوز يتمش
دردنجى ماده سنه توفيقاً تحديد ووكيل مومى
اليهدنخى تخفيف جزاسنى طلب ايتاريله مذاكره
اوطه سنه رودت اولدى.

جهت جزائيه حقده دنخى ايجابى لى التذكر
مجرميتى تحت حكمه انسان قوريجى بارلى عليك
مرتكب اولدني فعل وحرکت قانون جزانك
يوز يتمش دردنجى ماده سنك فقره اوليسنه موافق
اولديغنه وفقره مذكوره ده دنخى برکيمسه من غير
تعهد بر شخصى اتلاف ايتمش ايسه اون بش سنه
مدتله كوركه قونيلور ديو محرر بولنديغنه مبنى
بوماده حكمه توفيقاً وابتدای توقيف اولان
اوچيوز بش سنه سى ذى الحجه سنك اوتورنجى
كونندن اعتباراً ايتمش ياشنده اولديغندن بلا تشهير
اون بش سنه مدتله كوركه قونلمسنة وضبط
واعلام واستنطاق خرجلى اولان جمعاً يوز
اوتوز غروشك دنخى مرقومدن تحصيليله عدليه
وزنه سنه تسليم ايتديرلمسنة اوچيوز يدى سنه سى

ذى القعدة سنك يكرى يدنجى كونه مصادف
اولان اوچيوز اتى سنه سى تموز سنك ايكنجى كوني
متفقاً قرار ويريلوب قانونك ارايه وتعريف وجهله
تفهيمى اجرا واصول محاميه معين اولان
معاملات سائر دنخى ايفا قلدى.

(اوچيوز اتى سنه سى كانون ثانيك اون يدنجى)
(كيجه سى ساكلك ايكي يچق راده لرنده لونه ده)
(چنار جاده سنده ايوالى چشمه اتصانده چنكانه)
(محله سنه چيقان عرصه ده انقاضى عر بكيلى)
(خليل اغانك اوكنه چيقه رق اچهنى غصب)
(ايتمسندن طولاي مظنون عليه اولان ملت)
(موسويهدن غارصونك جنايتله اتهامه دائر)
(هيئت اتهاميه دن تنظيم اولنان تاريخى)
(ضبطنامه صورتيدر)

اوچيوز اتى سنه سى كانون ثانيك اون يدنجى
كيجه سى ساعت ايكي يچق راده لرنده لونه ده
چنار جاده سنده ايوالى چشمه اتصانده چنكانه
محله سنه چيقان عرصه ده انقاضى عر بكيلى

سنه مرقومه حزينانك يكرى التنجى كونه
قرارلشديرلدى .

يوم مذكوره مرقوم قانون دائره سنده
توقيف خانه دن جلب ايله وكيلى عره كل افدى ياننده
اولدني ومدعى عمومى معاونلردن مدوح بكمه
مدعى شخص خليل اغا دنخى حرف بولندقرى
حاله محكمه عليه به بالابتداء مرقوم سويلدير .
اون طقوز ياشنده بلا طلى اولوب غازينورده
چالشدني سويلمكله كنديسه ووكيل مومى اليه
عره كل افدى به قانون مزبورك ايكوز التمش
دردنجى وايكيوز التمش بشنجى ماده لرى احكامى
بعد الاخطار مضطه اتهاميه ايله اتهامنامه ضبط
كاتبي توفيق بكمه قرائت ايتديرلدى .

مضطه مذكوره نك مفادى مرقوم غارصونك
انقاضى خليل اغانك ليلاً اوكنه چيقه رق معامله
جبر وشدت اجراسيله اچهنى اخذ وغصب
ايلديكى اخبارات واماراته منضم اولان مرقومك
افادات متباينه سى ايله تحقق ايتديكندن حركتى
وقانون جزانك ايكوز يكرى برنجى مادسى
حكمى مستلزم بولنديغندن جنايتله اتهامه قرار
ويرلديكى واتهامنامه مؤداسى دنخى مرقومك
اولوجهله متهم بولنديغنى ايضاحدن عبارتدر
اتهامنامه نك خلاصه سى متهم مرقومه تفهيم واسباب

خليل اغانك اوكنه چيقه اچهنى غضب ايتمسندن
طولاي مظنون عليه اولان ملت موسويهدن
غارصونك جنايتله اتهامه دائر هيئت اتهاميه دن
تنظيم اولنان ۱۱ مائس سنه ۳۰۷ تاريخ واللى
الى نومرولا مضطه ايله استيناف مدعى عمومى .
مىلكى مأموريت بهيه سنك ۱۸ مائس سنه ۳۰۷
تاريخ و بيك سكر يوز التمش طقوز نومرولى
اتهامنامه سى اوراق متفرعه سيله ۳۱ مائس سنه
۳۰۷ تاريخنده محكمه جنايتله توديع اولنمغله
بالمطالعه اصول محكمه جزائيه قانونك ايكوز
قرق سكر وايكيوز قرق طقوزنجى ماده لرى
احكامه توفيقاً مرقوم غارصون سنه مرقومه
حزينانك دردنجى كوني توقيف خانه دن جلب ايله
استجوات ومدافعه سنده معاونت ايتك اوزره بر
وكيل انتخاب ايتسى تكليف اولندوقده منتخب
وكيل اولديغنى سويلمكله محكمه زردنده بولنان
دعوى وكيلىلردن عره كل افدى مرقومه وكيلى
تعين اولنهرق قانون مذكورك ادعاى مفسوخيت
ايچون معين اولان ايكوز الى برنجى مادسى
مندرجاتك اخطار قلنديغنى مشعر اىروجه
طوتيلان ضبط ورقه سى تحت امضايه الديرلدى .
ادعاى مفسوخيت ايچون معين اولان مدت
قانونيه منقضيه اولمغله مرقومك اجراى محكمه سى

اتهامی دخی معاون مومی الیه طرفندن ایضاح
و تفصیل اولندقدن صکره مرقوم سویلتدیرلده
کلیا انکار تهمت ایلدی اساس زورنالی قرائت
اولندقدن مفادی و تعینی حکایه دن صکره مرقوم
غارصونک اولجه کلیاً انکار صکره ده زوجه سنه
تسلط ایتدیکندن مرقومی ضرب ایتدیکنی بیان
و مؤخرأ بو افاده سنی دخی تکذیب ایلدیکنی و شو
حال مرقومک بو فعلی ارتکابه دلیل اولدینی جهته
اجرای ایجابی اشعارینی حاوی اولدینی اکلاشادی
مدعی شخص خلیل دخی سویلتدیرلده
اقامتگاهنه کیدرکن اولدن طانیدینی متهم غارصون
اوکنه چیه رق بر غروش ایستدیکنی و صکره
کندیسنی تعقیب ایدرک کارگیر بر خانه یاننده
تکرار پاره ایستوب و اوراده مختفی اولان ایکی
ارقداشی دخی میدانه چیه رق کندیسنی یا تیروب
ایچنده درت ایرا و کسور غروش اولان کیسه سنی
بالاخذ هر بری بر طرفه فرار ایتدکرنی و فریاد
ایدرک ارقه لرندن قوشمی اوزرینه بدروس
وارتین و میقاتل متهم غارصونی دردست ایتدکرنی
بیان ایلدی مدعی عمومی طرفندن ویریلان
پوصله ده اسملری محرر اولوب ورود ایدن
شاهد مناو بدروس و قهوه جی چراغی ارتین
و جزوه جی میقاتل بعد التحلیف منفرداً و مواجهه

و کندوسنک افادات متباینه سی ایله ثابت اولدیفندن
محرمیته و وکیل عره کل افندی دخی موکلنک
اسباب اتهامی افاده سنده کی ماینتله شاهدلرک
اخبارندن عبارت ایسه ده ماینت افاده لیلأ دردست
اولدینی جهته نه دیه جکنی شایر مسندن نشئت
ایتدیکنی و اخبارات ایسه فعله شهادت درجه سنده
اولیوب ادعا اوزرینه دردسته شهادت ایدوکنی
و برکسه نک لیلأ فراری اماره عد اولنسه ییله
حکمه کافی دلیل اوله میه جفنی و موکلنک اوزری
تحریری اولمدینی جهته شمندی فعل غصبک
برائری موجود اولدینی و مدعی شخصنک
کیسه سنده درت ایرا کسور غروش اولدیغیده
ثابت و متحقق بولنمدینی درمیانله برائت ذمتنه
قرار ویرلمسنی طلب و درمیان ایلملری و طرفینک
بشقه دیه جکری اولمدینی اکلاشلمسی اوزرینه
محکمه نک ختام بولویفی تعهیم اوله رق مذاکره
اوطه سنه کندی.

مابعدی وار

اعلان

متوفی محمد شمسی بك ورثه سنك عثمان اغا

فی ۱۷ کانون اول سنه ۳۰۷

و زوجه سی خدیجه خیره خانم ذمتلرنده اناطولی
صدارت علیه سندن ویریلان ۴ ربیع الآخر سنه
۳۰۱ تاریخی بر قطعه ادانه حجتی موجبجه
الاجقاری اولان مبالغ معلومه نک تأمین استیفاسی
ضمننده زوجان من بور انک عهده لرنده اولوب
مرهون و فروختی محکوم بولنان اسکدارده التونی
زاده محله سنده طوبخانه لی اوغلی چشمه سی
جوارنده واقع تربیعاً بشیک طقسان اوچ ذراع
اون ایکی پرمق بر قطعه ملک باغک نصف حصه
شایعه سی بوندن اقدام مزایده یه قونیلهرق ایرایوز
غروش حسابیله بشیک بشیوز غروش بدل ایله
طالبی اوزرنده تقرر ایتش اولدیفندن یوزده بش
ضمیمه بوندن دها زیاده یه طالب اولنلرک اشبو
تاریخ اعلاندن اعتباراً اوتوز برکون ظرفنده
در سعادت اعلامات شرعیه اجرا دائره سنه مراجعت
ایلملری و مدت مذکوره ختامندن صکره طالی
عهده سنه معامله فراغیه سی اجرا قلنه چنی اعلان
اولنور.

معلوم المقدار مبالغت تسويه سيچون مديون
طرفندن حسن رضاسيله ترك اولنان بر عدد بار كير
اشبو كانون ثانينك اون التجي پنجشنبه كوني
فاتحده اسب بازارنده بالمزايدة فروخت ايديله -
جكندن طالب اولنلرك يوم مذ كورده ساعت
بش قرارلرنده محل مذ كورده حاضر بولنملري
بك اوغلي بدايت محكمه مي اجرا مأ موري تي
جانبندن اعلان اولنور.

في ۱۱ كانون ثاني سنه ۳۰۷

بكقوزده ساكن قصاب اصنافندن ابراهيم
اغانك بقال واسيله اولان كفالتندن طولاني دولت
عليه تبعه سنك روم ملتندن مغازه جي ياني به با اعلام
مديون اولديني دينك تسويه سيچون كفيل
مرقومك مقدم دائره اجرادن تحت حجزه النان
بكقوزده واقع جنار التي جاده سنده طقسان
طقوز نومرولو دكان ايله طقسان بر نومرولو
خانه و طقسان طقوز نومرولو دكانده متصرف
اولديني حصه شايه سي تاريخ اعلانندن اون بش
كون صكره مزايده به وضع اوله جني بكقوز
اجرا دائره سندن اعلان اولنور.

في ۲۳ ربيع الاخر سنه ۳۰۹

في ۱۱ كانون ثاني سنه ۳۰۷